



Inatsisartuni ilaasortaq Kristian Jeremiassen, Siumut  
MAANNI

**§ 37 naapertorlugu Qasigianguani Royal Greenlandip tunisassiorfia pillugu Naalakkersuisunut apeqqummut nr. 2011-38-imut akissut**

Inatsisartut suleriaasianni § 37 naapertorlugu Qasigianguani Royal Greenlandip tunisassiorfia pillugu apeqquteqarputit. Apeqqut uannit akisassanngortinneqarsimavoq.

25 feb 2011  
Sagsnr. 2011-045848  
Dok. Nr. 568172

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl  
www.nanoq.gl

**Apeqqutit:**

1. Qasigianguani Royal Greenland A/S-ip tunisassiorfia nutarterinissamik pilersaaruteqartoruna?
2. Nutarterisoqassappat qanoq sivistigisumik tunisassiorfik matoqqatinneqassava?
3. Nutarterisoqassappat nutartereernerup kingorna sulisut ikilisinneqassappat?
4. Aalisartut tunisisinnaajunnaassagaluarpata Qasigianguani Royal Greenland-ip tunisassiorfianut pikkorissartinneqarnissaat pilersaarutigineqarpa?
5. Pikkorissartitsisoqassappallu aningaasalersuineq qanoq ingerlanneqassava?

**Akissut:**

Royal Greenlandimut saaffiginnissuteqareernikkut apeqqutigisannut tunngatillugu paasissutissat makku pissarsiaraakka.

**Apeqqut 1 aamma 2:** Royal Greenlandip uppersarparaa Qasigianguani tunisassiorfiup nutarterneqarnissaa pilersaarutigineqartoq. Tamanna tunngavigalugu naatsorsuutigineqarpoq tunisassiorfik 31. marts-imit 6. maj 2011 tungaanut matoqqatinneqassasoq.

**Apeqqut 3:** Qasigianguani tunisassiorfimmi sulisut amerlassusaat eqqarsaatigalugu ilisimatitsissutigisinnaavara Royal Greenlandip naatsorsuutigimmagu nutartereernerup kingorna sulisut amerlassusaat nutarterinnginnermit allannguuteqarnaviangitsut.

**Apeqqut 4:** Qasigianguani tunisassiorfiup matoqqanerata nalaanni, Royal Greenlandip ilisimatitsinera naapertorlugu, sulisut pikkorissarnissamik neqeroorfigineqassapput. Suliffeqarfissuup ilanngullugu ilisimatitsissutigaa, tulaassisinnaanerup unitsikkallarneqarnera iluarsartuussinissamut piffissaliussamit sivikinnerungaatsiassasoq.

**Apeqqut 5:** Ilisimatitsissutigisinnaavara pikkorissarnerit pineqartut Qaasuitsup Kommunanit Royal Greenlandimillu aningaasartuutigineqartussaammata. Tassunga tunngatillugu Royal Greenlandip ilisimatitsissutigaa kommuuni suliap ingerlanneqarnerani paasinnilluurluni pitsaasumik suleqataasimasoq.

Inussiarnersumik inuulluaqqusillunga

Ane Hansen